



Pistill sveitarstjóra

Kæru íbúar og aðrir lesendur Áveitunnar.

Ég vil byrja á því að óska ykkur öllum gleðilegs sumars þó að það sé fátt sem minnir á sumar þegar þetta er skrifað þar sem Flóahreppur er alhvítur líkt og um hávetur og fátt sem bendir til þess að sumarið sé í nánd. Farfuglarnir berjast fyrir tilveru sinni í þessu umhverfi, sauðburður hafinn víða og undirbúningur vorverka efst í hugum margra íbúa. Vonandi staldrar þessi kuldi stutt við og á meðan hann varir þá minnum við okkur á það sem Jóhannes úr Kötlum orti forðum að *vorið kemur, heimur hlýnar, hjartað mitt.*

Umhverfismál:

Stóri **Plokkdagurinn** var haldinn víða um land sunnudaginn 30. apríl. Íbúar Flóahrepps eru hvattir til að plokka í sínu nánasta umhverfi næstu daga en formlegum plokkegi var frestað þar sem jörð er þakin snjó.

Árlegt **hreinsunarátak** verður með öðru sniði en verið hefur og helgast það fyrst og fremst af lagabreytingum í tengslum við „borgað þegar hent er“. Ekki verður í boði að fá gáma heim á bæji á kostnað sveitarfélgasins líkt og fyrri ár en gámasvæðið okkar í Hrísmýri á Selfossi verður opið og gjaldfrjálst fyrir íbúa okkar í eina viku þ.e ekki þarf að nýta klippikortin þessa viku.


Hreinsunarátakið stendur yfir vikuna fyrir vorhátíðina okkar Fjör í Flóa eða dagana 29. maí – 3. júní.

Opnunatímar gámasvæðisins í Hrísmýri eru eftirfarandi:

Mánudaga – föstudaga: 13:00-17:00

Laugardaga: 13:00 – 16:00

Þjónusta á starfsstöð er eftirfarandi: almennt sorp, grófur úrgangur, hreint og litað timbur, pappi og pappír, plast, járn og málmar, spilliefni og steinefni. Hafí íbúar áhuga á að panta til sín gáma á eigin vegum þá er hægt að hafa samband við ÍGF í síma 482-3371 eða á netfangið igf@igf.is



Umsækjendur um laust starf skólastjóra Flóaskóla

Í apríl var staða **skólastjóra** Flóaskóla auglýst laus til umsókna og bárust 11 umsóknir um starfið. Tveir umsækjendur drógu umsóknir sínar til baka. Eftirfarandi er listi umsækjenda ásamt núverandi/síðasta starfi viðkomandi:

- Aðalheiður Jóhanna Ólafsdóttir, fagkennari
- Álfheiður Tryggvadóttir, kennsluráðgjafi
- Björgvin Þór Þórhallsson, verkefnastjóri
- Hrund Harðardóttir, kennsluráðgjafi
- Íris Anna Steinarrsdóttir, kennari
- Jóhanna Margrét Eðvaldsdóttir, umsjónarkennari
- Karl Sigtryggsson, grunnskólakennari
- Sigríður Pálsdóttir, deildarstjóri yngra stigs grunnskóla
- Þórunn Jónasdóttir, skólastjóri



Hagvangur heldur utanum ráðningarferlið í samráði við fulltrúa sveitarfélagsins og er úrvinnsla langt komin. Sveitarstjórn Flóahrepps gengur frá ráðningu vegna skólastjóra í samræmi við samþykktir sveitarfélagsins.

Fjör í Flóa

Vorhátíðin okkar allra **Fjör í Flóa** verður haldin dagana 1.-3. Júní. Íþróttta- æskulýðs- og menningarnefnd sér um utanumhald og skipulag hátíðarinnar og hafa þau fengið tónlistar- og athafnarmanninn Sigurgeir Skapta Flosason til liðs við sig. Við lofum góðri skemmtun og óskum á sama tíma eftir áhugasömum aðilum sem vilja hafa opið hús eða annan viðburð í sveitarfélaganu þessa daga. Best er að hafa samband við formann nefndarinnar hana Sigrúnu Hrefnu: sigrunhrefna@gmail.com. Hátíðin hefur fest sig í sessi hjá okkur og er frábær leið fyrir íbúa á öllum aldri að hittast og hafa gaman saman. Dagskrá og nánari upplýsingar koma þegar nær dregur og eru íbúar hvattir til að fylgjast með.

Vinnuskóli Flóahrepps sumarið 2023

Flóahreppur starfrækir **vinnuskóla** á sumrin í 7 vikur á tímabilinu frá byrjun júní og fram yfir miðjan júlí. Vinnuskólinn er opinn fyrir unglinga sem eiga lögheimili í Flóahreppi. Verkefni eru fjölbreytt og aðalstarfsstöðvarnar þrjár, við Þingborg, Þjórsárver/Flóaskóla og Félagslund. Auk þess hafa eldri borgarar haft möguleika á að panta þjónustu vinnuskólans heim á bæi og svo verður áfram eftir því sem tími gefst.

Unglingar fæddir 2007-2009 eiga kost á vinnu í 6 vikur frá klukkan 9:00-15:00, mánudaga-fimmtudaga og þeir sem fæddir eru 2010 eiga kost á vinnu í 2 vikur í samráði við flokkstjóra.

Umsóknareyðublað vegna starfs við vinnuskólann má finna á heimasíðu Flóahrepps:

<https://www.floahreppur.is/is/thjonusta/fraedslumal/vinnuskoli-floahrepps> en einnig er hægt að nálgast útprentað eyðublað á skrifstofu Flóahrepps. Athugið að foreldri/forráðamaður þarf að fylla út umsóknina með barni sínu og hefur starfsmaður Flóahrepps samband við foreldri til að staðfesta starf við vinnuskólann. Útprentuðum umsóknum skal skila á netfangið floahreppur@floahreppur.is eða í afgreiðsluna á skrifstofu Flóahrepps fyrir 10. maí.

Flóahreppur auglýsir eftir flokkstjórum fyrir vinnuskóla og hvetjum við áhugasama að sækja um hér:

<https://www.floahreppur.is/is/frettir/flokkstjorar-i-vinnuskola-floahrepps-2023>

Árshátíð Flóahrepps

Miðvikuaginn 19. apríl var haldin **árshátíð** fyrir starfsmenn og aðalmenn nefnda hjá Flóahreppi og fór hún fram í Félagslund. Árshátíðin tókst vel og ekki að sjá annað en að gestir skemmtu vel og hafi átt góða kvöldstund saman. Það er mikilvægt að huga vel að starfsfólkinu okkar sem bera uppi starfsemi sveitarfélagsins. **Undirbúningsnefnd** árshátíðar samanstóð af eftirfarandi aðilum: Kristín Lilja Sigurjónsdóttir, Oddný Ása Ingjaldsdóttir, Sigríður Þ. Þorsteinsdóttir, Sigrún Hrefna Arnardóttir og Walter Fannar Kristjánsson. Eru þeim færðar kærar þakkir fyrir sína vinnu við skipulag og undirbúning.

Starfsmenn skrifstofu nýttu föstudaginn 21. apríl í að heimsækja skrifstofu Skeiða- og Gnúpverjahrepps og skrifstofu Hrunamannahrepps. Þar fengum við góðar móttökur og áttum gott og gagnlegt samtal um hin ýmsu málefni sveitarfélaganna.



Viðtal við sveitarstjóra og oddvita:

Sveitarstjóri er almennt með viðveru á skrifstofu alla virka daga á opnunartíma skrifstofu og tekur á móti íbúum. Það getur verið gott að hringja á undan sér eða senda tölvupóst á hulda@floahreppur.is til að vera viss um að sveitarstjóri sé við og alltaf er hægt að bóka viðtal.

Oddviti er ekki með fasta viðveru á skrifstofu en íbúum er ávallt frjálst að heyra í honum, senda tölvupóst eða bóka viðtal við hann. Til að bóka viðtal við oddvita er best að senda tölvupóst á arni@floahreppur.is.

Húsvarsla í Þingborg og Félagslund:

Andri Þór Erlingsson leysir Ingibjörgu Einarsdóttur tímabundið af í starfi húsvarðar í Þingborg og sinnir húsvörslu í Félagslund. Bókanir og fyrirspurnir vegna félagsheimilanna berist til Andra í síma 866-7870 eða á netfangið andrierlingsson@gmail.com.

Opnunartími skrifstofu:

Minum á að opnunartími skrifstofu er frá 9:00-16:00 mánudaga-fimmtudaga og 9:00-13:00 á föstudögum. Síminn er opinn frá 9:00-13:00 alla virka daga og alltaf er hægt að senda tölvupóst á starfsmenn skrifstofu:

Anna Dóra ritari og gjaldkeri: anna@floahreppur.is

Hafdís bókari og launafulltrúi: hafdis@floahreppur.is

Hulda sveitarstjóri: hulda@floahreppur.is

Vaktsími vatnsveitu: 862-6848

Næsti fundur sveitarstjórnar:

Næsti fundur sveitarstjórnar Flóahrepps verður þriðjudaginn 2. maí kl. 9:00 Þingborg.

Að lokum langar mig að benda á ýmsar hugmyndir að afþreyingu innan Flóahrepps sem teknar voru saman fyrir páskana. Flóahreppur hefur svo sannarlega upp á ýmislegt að bjóða. Það væri gott að fá ábendingar um fleiri staði og hugmyndir frá ykkur íbúunum. Sjá má stutta samantekt hér:

<https://www.floahreppur.is/is/frettir/gledilega-paska>

Hulda Kristjánsdóttir, sveitarstjóri